

बाबा तही जाने गा तोर महिमा

बाबा तही जाने गा तोर महिमा ॥
कइसे काटे अकेल्ला छः महीना ।
ये बाबा सत म होके लीन, सतनाम जाबे रात दिन

घंगोर जंगल झाड़ी, उही छाता पहाड़ ।
बघवा भालू के बसेरा, मारे दहाड़ ।

गरजत घूमरत बादर, बरसे पानी के धार ।
न तो तोला डर लागे नातो तोला जाड़ ।

ये गुरु काल देखे तोला डरयना ॥
सतनाम के ज्योत जलयना ॥
ये बाबा सत म होके लीन, सतनाम जाबे रात दिन

अटल तपसिया करे रखे बिश्वास
पुरुष पिता कहे जागव गुरु घासीदास

कहे तोर चरन म हवय अमृत ज्ञान
दुःखिया के दुख हरबे, जग के करबे कल्याण

ये गुरु हंसा ल तार दियेना ॥
जब नाम के सुमरन कियेन ॥
ये गुरु सत म होके लीन, सतनाम जाबे रात दिन

ये चंदा सुरुज के बाबा मिले पारकाश
झूम जाये रुख राई धरती आगास

जोख नदि के पानी लहर लहरावाय
सब जीव जंतु बाबा माथ नावावय

तोरपांव के परे हवय चिन्हा ॥
छत्तीसगढ़ के पावन माटी म ॥
ये बाबा सत म होके लीन, सतनाम जाबे रात दिन

<https://bhajanganga.com/bhajan/lyrics/id/35723/title/baba-tahi-jaane-gaa-tor-mahima>

अपने Android मोबाइल पर [BhajanGanga](#) App डाउनलोड करें और भजनों का आनंद ले ।